

Broj: 01-01.3-735-9/17 AZ  
Datum: 09.03.2017. godine

Na osnovu člana 70. Zakona o javnim nabavkama ("Službeni glasnik BiH" broj 39/14), te člana 15. Pravilnika o javnim nabavkama JP "Autoceste FBiH" i preporuke Komisije za javne nabavke konstatirane u Zapisniku o pregledu i ocjeni inicijalne i konačne ponude broj: 01-01.3-735-8/17 AZ od 03.03.2017. godine, v.d. direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

### ODLUKU o izboru najpovoljnijeg ponuđača

I

Ugovor za nabavku usluga, u pregovaračkom postupku bez objave obavještenja o nabavci, "Izrada projekta sanacije oštećenja na autocesti A1, dionica Lašva-Kakanj, stacionaža km 20+700" u vrijednosti od **19.305,00 KM** sa uračunatim PDV-om dodjeljuje se ponuđaču "DIVEL" d.o.o. Sarajevo koji je podnio prihvatljivu ponudu.

II

Ova odluka će, u skladu sa članom 70. stav (6) Zakona o javnim nabavkama, biti objavljena na internetskoj stranici JP „Autoceste FBiH“ d.o.o. Mostar [www.jpautoceste.ba](http://www.jpautoceste.ba) i to istovremeno s upućivanjem Odluke ponuđaču koji je učestvovao u postupku nabavke.

### O b r a z l o ž e n j e

JP „Autoceste FBiH“ d.o.o. Mostar je u skladu sa Odlukom o nabavci broj: 01-01.3-735/17 AZ od 28.02.2017. godine pokrenulo pregovarački postupak bez objave obavještenja o nabavci u skladu sa članom 21. stav (d) Zakona o javnim nabavkama sa ponuđačem „DIVEL“ d.o.o. Sarajevo.

U skladu sa članom 28. stav (4) Zakona o javnim nabavkama, ugovorni organ je objavio na svojoj internet stranici [www.jpautoceste.ba](http://www.jpautoceste.ba) Odluku o vanplanskoj nabavci u pregovaračkom postupku bez objave obavještenja.

Ponuđač je do termina predviđenog za predaju ponuda dostavio svoju inicijalnu ponudu. Komisija za nabavke, imenovana rješenjem broj 01-01-3-735-2/17 AZ od 28.02.2017. godine, je nakon pregleda i ocjene inicijalne ponude pozvala ponuđača na pregovore. Poslije provedenih pregovora ponuđač je dostavio svoju konačnu ponudu. Nakon pregleda i ocjene konačne ponude Komisija je ocijenila da je ponuda prihvatljiva za ugovorni organ i dala prijedlog ugovornom organu da ugovor za nabavku radova: "Izrada projekta sanacije oštećenja na autocesti A1, dionica Lašva-Kakanj, stacionaža km 20+700" u vrijednosti od 19.305,00 KM sa uračunatim PDV-om dodijeli ponuđaču "DIVEL" d.o.o. Sarajevo jer je ponudio prihvatljivu ponudu.

Shodno navedenom ugovorni organ je prihvatio prijedlog Komisije i donio Odluku kao u dispozitivu.



**Pouka o pravnom lijeku:**

Protiv ove Odluke može se izjaviti žalba ugovornom organu, u roku od 30 dana od dana objave obavještenja o dodjeli ugovora, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**v.d. izvršni direktor  
za upravljanje i održavanje:**

.....  
**Marin Jelčić, dipl.ing.saob.**

**v.d. direktor:**

.....  
**Adnan Terzić, dipl.ing.**



UAD

Broj: 01-01.3-735-8/17 AZ  
Datum: 03.03.2017. godine

U skladu sa članom 65. Zakona o javnim nabavkama („Službeni glasnik BiH“ br. 39/14), članom 8. Pravilnika o uspostavljanju i radu komisije za javne nabavke („Službeni glasnik BiH“ br. 103/14), članom 18. Uputstva za pripremu modela tenderske dokumentacije i ponuda („Službeni glasnik BiH“ br. 90/14) i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

### ZAPISNIK O PREGLEDU I OCJENI INICIJALNE I KONAČNE PONUDE u pregovaračkom postupku bez objave obavještenja o nabavci

- Naziv i sjedište ugovornog organa:** JP „Autoceste FBiH“ d.o.o. Mostar
- Predmet nabavke:** „Izrada projekta sanacije oštećenja na autocesti A1, dionica Lašva-Kakanj, stacionaža km 20+700“
- Evidencijski broj nabavke:** 01-01.3-735/17 AZ
- Posebni slučajevi i okolnosti iz čl. 21.-24. Zakona koji opravdava korištenje ovog postupka:** Postupak se provodi u skladu sa članom 21. stav (d) Zakona o javnim nabavkama („Sl. glasnik BiH“ broj: 39/14) u kojem je navedeno da *„kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak s objavom obavještenja. Okolnosti kojim se opravdava izuzetna hitnost postupka ni u kom slučaju ne smiju se dovesti u vezu s ugovornim organom“*
- Datum početka pregleda i ocjene inicijalne ponude:** 28.02.2017. godine.
- Datum slanja poziva na pregovaranje:** Poziv na pregovore poslan putem e-maila dana 28.02.2017. godine.
- Datum slanja poziva na izmjenu i/ili dopunu inicijalne ponude ili na dostavu konačne ponude:** Na održanim pregovorima dana 02.03.2017. godine, dogovoreno je da ponuđač dostavi konačnu ponudu najkasnije do 03.03.2017. godine do 16:30 sati, na protokol Ugovornog organa, operativni ured u Sarajevu, Dubrovačka 6.
- Naziv i sjedište svih ponuđača, prema redoslijedu zaprimanja inicijalnih ponuda:** „DIVEL“ d.o.o. Sarajevo, sa ponuđenom cijenom 19.305,00 KM sa uračunatim PDV-om.
- Podatke o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata.
- Analitički prikaz traženih i dostavljenih dokumenata na osnovu koji se utvrđuje postojanje li razlozi isključenja ponuđača:**

Ponuđač je zbog hitnosti postupka, a na osnovu Poziva upućenog od strane Ugovornog organa dostavio Obrazac za ponudu i Obrazac za cijenu ponude, Projektni zadatak, te ovjerenu kopiju Rješenja o registraciji kao svoju inicijalnu ponudu.

Komisija je konstatala da je ponuda prihvatljiva, odnosno da su dostavljeni Obrazac za ponudu i Obrazac za cijenu ponude ispravno popunjeni.
- Naziv i sjedište ponuđača koji se isključuju te obrazloženje razloga njihovog isključenja:** Nije primjenjivo.



- 12. Analitički prikaz traženih i dostavljenih dokaza tehničke i profesionalne sposobnosti ponuđača:** Nisu traženi dokazi tehničke i profesionalne sposobnosti.
- 13. Prikaz traženih i dostavljenih garancija za ozbiljnost ponude:** Nije tražena garancija.
- 14. Podatke o pojašnjenju inicijalnih i/ili konačnih ponuda:** Nije traženo pojašnjenje.
- 15. Prikaz valjanosti inicijalnih i/ili konačnih ponuda prema obliku, sadržaju i cjelovitosti:**  
 Ponuda ponuđača je:  
 - Ovjereni i potpisani  
 - Dostavljen dokaz o registraciji
- 16. Analizu inicijalnih i/ili konačnih ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Inicijalna ponuda zadovoljava zahtjev u pogledu opisa predmeta nabavke.
- 17. Podatke o ispravkama računskih grešaka u inicijalnim i/ili konačnim ponudama:** Računskih grešaka nije bilo.
- 18. Naziv i sjedište ponuđača čije inicijalne i/ili konačne ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Nije primjenjivo
- 19. Razlozi za odbijanje inicijalne i/ili konačne ponude zbog neprimjerne niske cijene:** Nije primjenjivo.

#### Pregled i ocjena konačne ponude

- 20. Datum početka pregleda i ocjene konačne ponude:** 03.03.2017. god.
- 21. Analizu prihvatljivih konačnih ponuda prema kriteriju za izbor ponude:**  
 Ponuđač je, na osnovu održanih pregovora, dostavio konačnu ponudu. Ukupna cijena konačne ponude je: 16.500,00 KM bez PDV-a, odnosno 19.305,00 KM sa uračunatim PDV-om.
- 22. Rangiranje prihvatljivih konačnih ponuda prema kriteriju za izbor ponude:**

Naziv ponuđača	Cijena bez PDV-a	Popust	PDV (17%)	Ukupna cijena sa PDV-om
1. "DIVEL" d.o.o. Sarajevo	16.500,00	-	2.805,00	19.305,00 KM

- 23. Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** „DIVEL“ d.o.o. Sarajevo, Tešanjka 5a, 71000 Sarajevo, ID broj 4200562580003. Ponuđač je dostavio prihvatljivu ponudu.
- 24. Podatke o dijelu ugovora koji se daje u podugovor i podatke o podizvođaču:** Ponuđač je izrazio namjeru podugovaranja za dio ugovora – Izrada izvještaja sudskog vještaka građevinske struke – gosp. Enes Kovačević, u iznosu od 6,5% vrijednosti ugovora.
- 25. Podatke o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Nije primjenjivo.



AD

**26. Prijedlog odgovornoj osobi ugovornog organa za donošenje odluke o izboru:**

Shodno gore navedenom predlaže se v.d. direktoru Javnog preduzeća "Autoceste FBiH" d.o.o. Mostar da za nabavku usluga „Izrada projekta sanacije oštećenja na autocesti A1, dionica Lašva-Kakanj, stacionaža km 20+700“ donese sljedeću odluku:

Ugovor za nabavku usluga: "Izrada projekta sanacije oštećenja na autocesti A1, dionica Lašva-Kakanj, stacionaža km 20+700" u vrijednosti od 19.305,00 KM sa uračunatim PDV-om dodjeljuje se ponuđaču "DIVEL" d.o.o. Sarajevo jer je ponudio prihvatljivu ponudu.


**27. Datum završetka postupka pregleda i ocjene konačnih ponuda:** Komisija je završila pregled i ocjenu konačne ponude dana 03.03.2017. godine.

**28. Ime i prezime te potpis ovlaštenih predstavnika ugovornog organa koji su izvršili pregled i ocjenu inicijalnih i/ili konačnih ponuda:**

Članovi komisije:

Lejla Hodžić, predsjednik komisije ..... 

Aida Zeba, član komisije ..... 

Anamarija Odak, član komisije ..... 

Za sekretara komisije imenovana je Adila Salčinović.

Prilozi:

1. Kopija zapisnika o vođenju pregovora



Saglasan v.d. direktor:

Adnan Terzić, dipl.ing.



Broj: 01-01.3-735-6/17 AZ  
Datum: 02.03.2017. godine

## ZAPISNIK O PREGOVORIMA

Sastavljen dana 02.03.2017. godine u 11:00 sati u sali JP „Autoceste Federacije BiH“ d.o.o. Mostar, Operativni ured u Sarajevu, Dubrovačka 6, u predmetu: pregovori o tehničkim, ekonomskim, pravnim i drugim aspektima ugovora u pregovaračkom postupku bez objave obavještenja za nabavku usluga: „Izrada projekta sanacije oštećenja na autocesti A1, dionica Lašva-Kakanj, stacionaža km 20+700“ koji se sprovodi u skladu sa članom 21. stav (d) Zakona o javnim nabavkama („Službeni glasnik BiH“ broj 39/14).

U pregovorima učestvovali:

1. Jasna Smailbašić, ovlašteni predstavnik ponuđača „DIVEL“ d.o.o. Sarajevo
2. Jasna Ševaljević, ovlašteni predstavnik ponuđača „DIVEL“ d.o.o. Sarajevo
3. Lejla Hodžić, predsjednik komisije,
4. Aida Zeba, član komisije,
5. Anamarija Odak, član komisije

Na osnovu člana 21. tačka d) Zakona o javnim nabavkama („Službeni glasnik BiH“ broj 39/14) direktor JP „Autoceste FBiH“ d.o.o. Mostar pokrenulo je pregovarački postupak bez objave obavještenja o javnoj nabavci usluga „Izrada projekta sanacije oštećenja na autocesti A1, dionica Lašva-Kakanj, stacionaža km 20+700“.

Shodno naprijed navedenom Poziv za dostavljanje ponude upućen je ponuđaču „DIVEL“ d.o.o. Sarajevo putem e-maila, a na osnovu Odluke o vanplanskoj nabavci usluga „Izrada projekta sanacije oštećenja na autocesti A1, dionica Lašva-Kakanj, stacionaža km 20+700“ broj 01-01.3-735/17 AZ od 28.02.2017. godine. Zbog hitnosti postupka od ponuđača se zahtjevalo da dostavi Obrazac za ponudu – Aneks 2 i Obrazac za cijenu ponude Aneks 3, a na osnovu projektnog zadatka (sa fotodokumentacijom).

Ponuđač je uredno dostavio svoju ponudu do zahtjevanog roka, te su pregovori zakazani za 02.03.2017. godine.

Pregovori o nabavci usluga „Izrada projekta sanacije oštećenja na autocesti A1, dionica Lašva-Kakanj, stacionaža km 20+700“ u skladu sa članom 21. stav (d) Zakona o javnim nabavkama vode se između Komisije za javnu nabavku JP „Autoceste Federacije BiH“ d.o.o. Mostar imenovane prema Rješenju broj: 01-01.3-735-2/17 AZ od 28.02.2017. godine i Ponuđača „DIVEL“ d.o.o. Sarajevo, koga predstavljaju Jasna Smailbašić, dipl.ing.arh. i Jasna Ševaljević, dipl.ing.građ., kao ovlašteni prestavnici.



1. Komisija za nabavke imenovana gore navedenim Rješenjem, je pregledala ponudu u hitnom Pregovaračkom postupku bez objave obavještenja za javnu nabavku usluga u skladu sa članom 21. stav (d) Zakona o javnim nabavkama", te konstatirala da je Ponuđač ispravno popunio dostavljeni Obrazac za cijenu ponude i Obrazac za ponudu, te dostavio Rješenje o registraciji
2. Predsjednik komisije Lejla Hodžić, ukratko je obrazložila razloge za provođenje predmetnog postupka javne nabavke, sa kojim je Ponuđač već bio upoznat.
3. Nakon uvoda, razgovaralo se o tehničkim pitanjima, te je konstatirano i dogovoreno da će Ponuđač program hitnih mjera dostaviti u roku od 5 (pet) dana, a projekt u roku od 21 (dvadesetjedan) dan. Također, je konstatovano da Ponuđač već ima pripremljen preliminarni predmjer radova za sanaciju, a da će prijedlog sudskog vještaka građevinske, struke dostaviti Ugovornom organu na odobrenje, jer je angažovanje istog obaveza Ponuđača i isti je u ponudi naveden kao dio ugovora koji će se podugovarati.
4. Razgovarano je i o mogućnosti odobravanja popusta na dostavljenu ponudu, te je ostavljena mogućnost za odobravanje istog prilikom dostavljanja konačne ponude, s obzirom da predstavnici ponuđača nisu ovlašteni za odobravanje istog.
5. Dogovoreno je da će Ponuđaču uz Zapisnik o pregovorima biti dostavljen Obrazac za konačnu ponudu i Obrazac za konačnu cijenu ponude, te da će Ponuđač svoju konačnu ponudu dostaviti najkasnije do 03.03.2017. godine, do 16:30 sati, na protokol Ugovornog organa, operativni ured u Sarajevu, Dubrovačka 6.

Jasna Smalibašić, ovlašteni predstavnik ponuđača „DIVEL“ d.o.o. Sarajevo

Jasna Ševaljević, ovlašteni predstavnik ponuđača „DIVEL“ d.o.o. Sarajevo

Lejla Hodžić, predsjednik komisije

Aida Zeba, član komisije

Anamarija Odak, član komisije

Za sekretara komisije imenovana je Adila Salčinović.

